





ORDINIS MEDICI 6. 25  
IN  
ACADEMIA WITTENBERGENSI  
H. T.

DECANVS 1740 23  
ABRAHAMVS  
VATER

PHILOSOPHIAE ET MEDICINAE D.  
ANAT. ET BOTAN. PROF. PVBL. ORDIN.  
AC SOCIETAT. IMPER. NATVR. CVR.  
ET REGIAR. LONDIN. ET BEROLIN.  
SOCIVS

LECTORI BENEVOLO

S. P. D.

E V M Q V E

AD

DISSERTATIONEM INAUGVRALEM

D. XXIX. MART. MDCCXL.

HABENDAM

PERQVAM OFFICIOSE INVITAT



ORDINIS MEDICI  
IN  
ACADEMIA WITTEBERGENSI  
H. T.  
DECANVS  
ABRAHAMVS  
VATER

PHILOSOPHIAE ET MEDICINAE D.  
ANAT. ET BOTAN. PROF. PUBL. ORDIN.  
AC. SOCIETAT. IMPER. NAT. UR. CUR.  
ET REGIAE LONDIN. ET BEROLIN.  
SOCIVS

LECTOR P. P. BENEVOLO

F. A. M. O. Y. E.

DISSERTATIONEM IN AGRICULTURAM

D. XII. MARTII MDCCLXII.  
PROGRAMMA





Q. D. B. V.



Paradoxum semper uisum est, et adhuc dum omnibus, exceptis forte solis Physicis ac Medicis, harum rerum gnaris, uidetur, nullum in uniuersa rerum natura dari uenenum, sed quaecunque nota toxica, licet peremptoria et summe deleteria, pertinere ad corpora naturalia, a Summo Conditore in usum hominum creata, in se et sua natura bona ac innoxia esse, et saltim sub certis conditionibus, quoad indecentem

a 2

prae-

praeparationem et applicationem, uiuentibus  
 nocere, ac lethifera euadere. Non opus est,  
 ut hoc effatum multis argumentis atque exem-  
 plis corroborare annitar, cum hoc ab aliis iam  
 sit praestitum. Testatur de hoc FRICCI *Tra-*  
*ctatus de uirtute uenenorum medica*, Vlmae, anno  
 1701. ab Auctore editus, et 1710. Augustae Vin-  
 delicorum, sub titulo, *paradoxa de uenenis*, ite-  
 rum impressus, in quo omnia uenena interne et  
 externe usurpata, non noxia, sed praestantissi-  
 ma contra morbos desperatos, remedia esse, de-  
 monstrare allaborauit. Idem etiam pluribus ar-  
 gumentis et exemplis confirmauit B. PARENS in  
*Physiol. Experim. append. de uenenis, cap. I. quaeft. I.*  
 Praeclarum huius rei exemplum nobis praebet  
 Laurocerafus arbor, cuius folia ad cupedias per-  
 tinent, quia cum lacte infusa eidem gratum con-  
 ciliant saporem, sed haec ipsa destillatione aquam  
 praebent extreme uenenatam, quae hominibus  
 atque brutis propinata, eadem subito internecat,  
 uti experimenta in Anglia facta, et apud nos re-  
 petita testantur, quae uideri possunt in *Dissert. n.*  
*de indole Laurocerasi uenenata.* Impregnare nunc  
 consueui hac aqua farinam, quae escam praebet  
 aptam ad decipiendos et necandos glires atque  
 mu-

mures, et insignem eorum stragem edit. Tot experimentis cum hac aqua factis, multi uix induci possunt ad credendum, anguem adeo interneciuiam in hac herba latere, causam interferentes, se toties lacte cum his foliis infuso, absque ulla noxa percepta, usos esse. Nonnemo in peregrinatione per hanc urbem, me quoque salutans, adstitit experimento cum aqua Laurocerasi in cane instituto, qui horrendas conuulsiones, inde securas perspiciens, admirationem dissimulare non potuit, asseuerans, se non tantum, more aliorum, frequentissime lac, cum his foliis infusum, cum delectatione bibisse, sed etiam masticatione horum foliorum adeo delectatum fuisse, ut plus simplici uice eadem masticando, succum extractum deglutiuerit, imo fructus huius arboris manipulatim comederit, absque ullo incommodo exinde percepto. Sed mirari desinent omnes effectum hunc diuersum, si audiant, in chymicis toto die ex corporibus plane innoxiiis et salutaribus, praeparari praesentissima uenena, atque ex his rursus fieri utilissima pharmaca. Exempli loco adduco solum Mercurium uiuum, qui per se ad aliquot uncias in malo Iliaco impune propinatur, nec nisi in uaporem resolutus, ac per tran-

spirationem et respirationem receptus, corpori  
 nocet, cum salibus uero sublimatus, potentissi-  
 mum praebet uenenum, Mercurium sublimatum  
 corrosiuum, qui tamen, sublimatione cum nouo  
 Mercurio iterata, naturam suam corrosiuam ex-  
 uit, et dulcis euadit. Videtur itaque uirulenta  
 Laurocerasi natura potissimum pendere a de-  
 stillatione, qua salino-sulphurea substantia ho-  
 rum foliorum, a consortio reliquarum fixiorum,  
 terrearum atque uiscidarum liberatur, atque effi-  
 cacia eiusdem exaltatur, ut effectum adeo no-  
 cium edat. Suadet id diuersitas operationis  
 huius aquae, prout destillatio uel cum aqua, uel  
 cum spiritu uini, instituitur, aut aquosa cum hoc  
 miscetur, quia haec citissime homines et bruta  
 extinguere obseruata est, absque conuulsionibus,  
 ista uero aquosa lente magis necat, et atrocissi-  
 mos motus conuulsuos excitat. Experiendi cu-  
 pidus, quid ad domandas istas conuulsiones, a ue-  
 neno inductas, ualeat oleum animale, periculum  
 aliquando feci, et cani, a propinata Laurocerasi  
 aqua, per horae fere spacium enormiter conuul-  
 so et agonizare uiso, spiritum uini hoc oleo im-  
 praegnatum infudi. Voto et expectationi re-  
 spondit euentus, extemplo quippe conuulsiones  
 nota-



notabiliter imminutae fuerunt; sensimque cessarunt, canis, qui usum artuum dudum amiserat, nec amplius corpus eleuare poterat, orci faucibus ereptus, ex insperato in pedes se protinus coniecit, laetusque auolauit. Remansit tamen in illo impotentia latrandi, et ad aliquod tempus durauit, ob grauissime affectos musculos oris et faucium, a conuulsionibus perpeffis. Reuocat mihi hoc in memoriam obseruationem singularem Clariss. MOLLERI, Medici Neosoliensis, quae in *Actis Breslauenf. anno 1722. mense Mart. class. II. §. 5.* ex ipsius communicatione recensetur. Hic aliquando puellae, a morfu canis rabidi praegresso, uomitibus, conuulsionibus et hydrophobia affectae, uiginti quinque guttas olei animalis, ob denegatam deglutitionem liquidorum, cum Conserua Rosarum rubrarum ficca, in forma boli deglutienda dedit, unde mox uomitus, et post duas horas hydrophobia cessauit, aegraque potum efflagitauit, et libere cereuisiam et aquam per integrum diem ingurgitauit, sed quia paulo plus bibit, ob uentriculum oneratum, iterum uomere coepit, redierunt etiam conuulsiones, atque hydrophobia pariter reuersa, ad extremum usque halitum durauit.

Ita

Ita quidem experimentum cum oleo animali in hoc casu institutum, euentu optato caruit, ob imprudentem potus nimii ingurgitationem, quod merito doluit laudatus Vir, notatu dignissima tamen est haec obseruatio, qua efficacia huius olei in sistenda hydrophobia, alias insuperabili credito affectu, innotuit. Quamuis enim una hirundo non faciat uer, et singularis obseruatio non sufficiat, ut eundem nobis effectum semper promittere queamus, occasionem tamen praebet aliis, data occasione idem tentandi, et experientia multiplici uirtutem olei huius confirmandi, quod, ut ab uno Medico peragatur, non semper adest opportunitas. Eaque etiam est causa, quamobrem hoc tempore unicum meam obseruationem, de efficacia olei animalis, contra uenenum aquae Laurocerasi in cane factam, publici iuris facio, nullatenus in me recipiens eundem ubiuis effectum secuturum. Tantum in praesenti ob argumenti affinitatem, exposuisse sufficiat, occasione dissertationis inauguralis, quam clarissimus medicinae Candidatus defendet. Huius uitae curriculum, uti ipse exposuit, ita se habet.

Ego,

Ego, Daniel Dietericus Iacobi, Anno salutis per  
 Christum restitutae Millesimo septingentesimo  
 decimo octavo, die undecimo Iulii, hanc lucem Qued-  
 linburgi primum aspexi. Patrem IOHANNEM  
 ANDREAM IACOBI, mercaturae deditum, in  
 cineribus ueneror. Matrem charissimam, ex Gente  
 LOESCHERIANA, ortam, adhuc mihi singulari  
 immortalis Dei prouidentia clementiaque relictam,  
 ANNAM CATHARINAM IACOBI, ample-  
 ctor. Dilectissimi hi parentes a teneris in pietate,  
 doctrina moribusque, coniunctis, quoad Deo placuit,  
 uiribus, me nutriuerunt et erudierunt. Praecepto-  
 ribus priuatis publicisque eruditione, morumque in-  
 tegritate claris me tradiderunt. Ad publicos Prae-  
 ceptores refero honoratissimum Seruestanae Musices  
 Directorem, Dominum STICHIVM, Amplissimos,  
 et iam dudum inter coelitum numerum relatos Con-  
 rectores, Dominum KESLERVM, et THOR-  
 SPECKIVM. Horum memoriam, tum memor ipse  
 mei ero, et dum spiritus hos artus reget, nulla tem-  
 porum iniuria ex meo delebit animo gratissimo. Nec  
 praetereundus pietatis cultu aeternum Honorandus,  
 Clarissimus, Amplissimusque Licei Seruestani Rector,  
 Dominus DENZER, cuius fidelissimam et solidissi-  
 mam institutionem, singularem humanitatem satis  
 b  
 exper-

*expertus sum, ualdeque depraedico. Omnibus itaque inclitae illius Seruestanae Scholae classibus fere absolutis, consilio Praeceptorum, Anno huius Seculi tricesimo septimo, Mense Februario, ad sedem Musarum celeberrimam, quae Vitembergae est, perueni. Hic omnem operam, studium et diligentiam in studiis philosophicis, atque Arti Salutari, consumere, Summi Numinis Auspicio nixus, decernebam. Ante uero quam studio medico operam darem, in scholas philosophorum me contuli, probe sciens, philosophiam reliquas disciplinas abstrusiores altioresque rite pertractandi esse Autorem, eisque quasi facem praeferre, instrumentum eas recte suscipiendi suppeditare, fores ad omnium scientiarum genera faciliori uia perueniendi, aperire. Eam ob causam in foro philosophico aliquantum immoratus, doctibus praecellentissimis et amplissimis Viris LAHRIO, HAF-FERVNGIO, SCHVBERTO, facultatis philosophiae Assessoribus, Logica, Metaphysica, Theologia naturali, Cosmologia, Psychologia, Iure naturae, Ethicisque praeceptis animum imbui. In physicis Praeceptore usus sum Viro Excellentissimo et longe celeberrimo Domino BOSIO, Physices Professore Publico. Horum ex lectionibus cum tantum profecissem, quantum ad artem salutarem rite ad-*

*discen-*

*discendam requiri uidebatur, animum ad illam applicaui. Operam itaque Medicinae nauaui, et in omnibus huius disciplinae partibus perquam fideles Doctissimosque Praeceptores habui, Rectorem Academiae Magnificum, STENTZELIVM, itemque ABRAHAMVM VATERVM, Viros excellentissimos, et Medicinae Professores famigeratissimos. Vfus quoque sum Ductore Viro Praenobilissimo et Experientissimo AVGVSTO FRIDERICO BERTRAMO, Doctore Artis Salutaris laude dignissimo. Peractis sic in Academia nostra inclita, annis tribus cum dimidio, optimisque scientiarum fructibus collectis, studiis meis academicis finem imponere apud animum constitui, et Practicis officiis in patria mea Summi Numinis auspicio, me dicare, decreui.*

**F**initis ita studiis academicis, idem a Facultate nostra Licentiam, ad summos in Arte Salutaris Honores aspirandi, modeste petiit et impetrauit. Ad Examen quippe admissus, talem se praestitit, qualem optauimus, adeoque locum inter Medicinae Candidatos promeruit. Superest, ut publicum doctrinae specimen edat. Futuro igitur die Martii XXIX. sub Praesidio Pro- Rectoris Academiae Magnifici, Domini

CHRISTIANI GODOFREDI STENTZELII, Medicinæ Doctoris et Professoris Publici Celeberrimi, Patroni et Collegæ Honoratissimi, de VENENATA VINI ALIMENTI AC MEDICAMENTI OPTIMI VIRTUTE disputabit. Ad hunc Actum solemnem, ut Illustrissimi Comites, Perillustris Liber Baro, Patres Conscripti, reliquique Literarum Fautores, beneuole accedere uelint, officiosissime rogo atque oro.  
Dabam d. XXVII. Martii A. S.  
MDCC XL.

*Vitæbergæ, typis Seblomachianis.*










14078

ULB Halle

3

006 666 019







ORDINIS MEDICI 6. 25  
IN  
ACADEMIA WITTENBERGENSI  
H. T.

DECANVS 1740 23  
ABRAHAMVS  
VATER

PHILOSOPHIAE ET MEDICINAE D.  
ANAT. ET BOTAN. PROF. PVBL. ORDIN.  
AC SOCIETAT. IMPER. NATVR. CVR.  
ET REGIAR. LONDIN. ET BEROLIN.  
SOCIVS

LECTORI BENEVOLO

S. P. D.  
E V M Q V E

AD  
DISSERTATIONEM INAUGVRALEM  
D. XXIX. MART. MDCCXL.

HABENDAM  
PERQVAM OFFICIOSE INVITAT

